

FURTO,

Quam.

Consensu & autoritate Magni-
fici, Nobilissimi, & Amplissimi JCorum Ordini-
nis, in Illustri celeberrimaq; Salana
Universitate,

P R Æ S I D E

Viro Amplissimo, Excellentiss. atq; Consultissimo,

DN. CHRISTOPHORO PHI-
LIPPO Richter / Jcto, & P.P. cele-
berrimo, Consiliario Saxonico gravissimo, Facultat.
Jurid Seniore, Curiae Provincialis & Scabinatus Ad-
sessore meritissimo, Domino Patrono, Pro-
motore, ac Praeceptore suo summâ animi
observantiâ & tatêm colendo,

*More Academico ad Censuram Eruditiorum
solennem exponit*

Ad diem Junii, horis consuetis,

In Augusto JCorum Collegio

JOHANNES GEORGIUS Heerwart/
ISNACENSIS.

J E N Æ

TRIPIS STEINMANNIANIS

ANNO

M. DC. XLVII.



P R Æ F A T I O.

M Ateriam Furti jam aggressurus, e-
amq; quàm brevissimè tractaturus,
non opus esse existimo, multa præ-
mittere. Nemo enim ignorat e-
jusdem in foro frequentiam, ut ita,
quod dicitur, vino vendibili non opus sit su-
spensâ hederâ, nec soli candelâ. Cùm verò
universa tùm demum benè & competenter ge-
rantur, si rei principium fiat decens & amabile
DEO. *Nov. 6. in præfat.* Idcirco meritò ani-
mum nostrum ad DEI omnipotentis erigimus
adjutorium. *l. 2. pr. C. de off. præf. præf. Afr. & l. 2.*
C. de V. J. E. Ubi enim Christus non est funda-
mentum, ibi nullum boni operis est superædi-
ficiū. *c. Paulus. 26. caus. 1. q. 1.* præcisâ longiore
verborum ambage ad propositum ipsum nos
accingentes.

T H E S I S I.

I cet in jure nostro potior rerum habenda sit ratio. *l. 17. ff. de*
LL. l. 13. §. 2. ff. de Excusat. l. 3. §. 9. de adm. & transf. legat. cùm
verba rebus, non res verbis deserviant. *c. 6. & 8. de V. S.* At-
tamen cùm nomina significandi gratiâ inventa sint. *§ 29. J. de Le-*
gat. & dicentis voluntatem demonstrent. l. 7. § 2. ff. de supell. leg.
& ex notatione nominis sæpè inducamur in cognitionem rei;
non immeritò rei ipsius tractationi boni ordinis ergò cognitionē

nominis præmittimus; Nam scire quid facias, nescire autem quo ordine, non est perfectæ cognitionis, alicubi dixit *Ambrosius* & post hunc *Baldus in pr. Constitut. Digestorum*.

Th. II.

Definitionem igitur nominalem quod attinet, dicitur Furtum vel à furvo, i.e. nigro sive atro, quod clam & obscure ac plerumq; atrâ nocte fit, quæ fuit sententia *Labeonû seu potius Nonii & M. Varronû*, ut refert *Gellius lib. 1. cap. 18.* vel à fraude, ob id fortè, quod furtû fit per fraudem, vel deniq; à ferendo h.e. auferendo & contrectando. §. 2. *J. de obl. qua ex delict. nasc. l. 1. pr. ff. de furt.* quod ultimû verisimilius esse puto; Illæ enim derivationes magis sunt allusiones, quàm veræ Notationes. *Bachov. Comment. Inst. §. 2. h. r. & Wesenb. = ff. h. r. Germanicè verò vocatur ein Diebstal / Dieberey. Badius in Exercit. Justin. disp. 13. thes. 1.*

Th. III.

Præmissâ nominis notatione, sequitur definitio rei. Hanc enim nemo melius noscere videtur, quàm qui, quid ea sit, breviter & apertè potest applicare *secundum Rudolphum Agricolum*. Undè rectè *Cicero in offic.* admonet, Disputationem à definitione semper debere proficisci, ut intelligatur, quid sit id, de quo disputatur. Cui etiam adstipulatur *Julianus noster* inquit: Animadvertendum esse, quid sit, de quo quaritur. *l. 13. ff. 3. ff. de rebus dubiis.*

Furtum autem definitur quod sit contrectatio (a) rei (b) fraudulosa, (c) lucrificandi gratia, (d) vel ipsius rei, vel etiam usus ejus (e) possessionisve, (f) quod lege naturali prohibitum est admittere. (g)

(a) In hac definitione verbû Contrectatio Generis loco est positum, hinc quoq; sequitur, sine contrectatione furtum committi non posse, & ita neq; verbo, vel Scripturâ, neq; solâ rei alienæ inficiatione, quia neq; solus animus neq; conatus furandi sine contrectatione sufficit, ut quis dicatur fur. *l. 1. §. 1. l. 21. §. 7. l. 52. §. neq; verbo. ff. h. r. l. 55. ff. Mandati. l. 3. §. 18. ff. de adq. vel amis. poss.*

Magni-

Magnificus atq; Nobilissimus Dn. D. Francke, Cancellarius Aula Saxo-Gothanæ Excellentissimus, in Exerc. Justin. 12. q. 2. n. 3. & seq. Godeus ad l. 53. de V. S. n. 11. Boribolt, in Instit. b. t. §. 2. n. 3. Et sic ut furtum fiat, tam affectus furandi, quam contrectatio requiritur. Sed nostræ sententiæ acriter ob stare videtur §. 8. J. b. t. ubi adest conatus sive affectus furandi, & contrectatio, & tamen ibi dicitur furtum non fieri. Sed quid ad hunc §. respondendum sit, confli-ctus ipse forsan docebit.

(b) 1. alienæ: Rei enim propriæ quæ propriæ nemo fur-
tum facit. Bernh. Sutbolt. differt. 16. tb. 16. in fin. & seq. l. 53 §. f. ff. b. t.
nisi fiat communis. l. 45 ff. b. t. l. 45. l. 51. ff. pro socio, aut alius in eâ jus
habeat, ut si sit oppignorata. §. 10. J. b. t. l. 19. §. f. b. t. nimirum si
debitor rem, quam creditori pignoris causa dedit, subtraxerit,
aut si eam, quam pignori seu hypothecæ obligaverat, vendide-
rit. l. 66. pr. ff. b. t. l. 6. C. de Usucap. pro Empt. vel donaverit. (Nec ob-
stat §. 1. ibi. lucrifaciendi. J. b. t. vide l. 54. §. 1. ubi Cajus eleganter ad
hanc objectionem respondet) aut quovis modo alienaverit,
quia in eo creditorem lædit, quod commodo eum spoliatur, quod
in causa pignoris est. 2. Rei mobdis: immobilis enim auferri
aut occultari ad defraudandum Dominum non potest. l. 15. ff.
b. t. & §. 7. vers. abolita est. J. de Usucap. & l. 38. ff. de Usucap. Willem-
berger diff. 15. abes 3. tit. C. 3. Incorporalis; incorporalium enim
rerum non committitur furtum. l. 75. ff. b. t. Incorporalia enim
sub sensus exteriores non cadunt, ideoq; neq; tangi neq; con-
trectari possunt. §. 2. J. de reb. corp. & incorp. l. 43. §. 1. ff. de A. R. D.
Vultrejus Comment. Instit. b. t. u. 14. & seqq. 4. Notandum, quod
etiam rei minimæ furtum committi possit; neq; enim inter con-
trectationem rei magnæ & modicæ distinguitur. Quam sen-
tentiam confirmat §. 16. J. de R. D. & l. 3. §. 1. ff. famil. hercis. &
Nov. 63. c. 1. vers. Unde si parvam. Et huic furto applicari etiam
potest definitio in l. 1. §. fin. ff. b. t. & §. 1. J. eodem proposita, in qua
simpliciter fit mentio rei. Plures rationes affert Magnificus &
famigeratissimus Jctus Dn. D. Erasmus Ungewaur, Facultatis Juridicæ &
Scabinatus in hac Salana Ordinarius Eminentissimus, Dn. Præceptor ac
Patronus summa honorû observantia prosequendus, in Exercit. Justin. 13.
q. 2. Licet quidem de dolo ob rem minimam actio non detur.

l. 9. in fin. l. 10. & 11. ff. de dolo malo. cum extraordinaria sit, & Prætor minimum non curet, actio tamen furti non ex rei ablata quantitate, sed ex affectu furandi, ideoq; indistinctè de quacunq; re competit. *arg. l. 1. §. 10. de conjung. cum emanc. lib. ejus.* Sed quaeritur hic, si plures res subreptæ fuerint, an tot sint furti, quot res? Resp. Si plures auferuntur uno eodemq; tempore & loco, tunc dicitur unum furtum pro omnibus rebus. *l. 14. §. 7. ff. h. t.* Si autem plures res diversis temporibus & locis furto subtrahantur, tot erunt furti, quot sunt res. *Et ita Matth. Berlehn par. 5. Conclusi. 43. n. 105. & 106.* quendam opilionem, qui una eademq; nocte ex diversis distinctisq; ovilibus oves abegerat, *Ad. 1608.* suspensum fuisse testatur.

(c) Hoc verbo indicatur, contractationem eo animo fieri debere, ut Dominus invito re sua fraudetur. *l. pen. in f. de Cond. causa. dat. §. 2. j. b. t.* sine affectu enim furandi furtum non committitur. *§. item si u. l. de Usucap. §. 7. j. b. t.* Deinde hoc vocabulo distinguitur Furtum à Rapina, quæ non occultè & fraudulenter sed apertè per vim & arma fit. *l. 1. j. de vi bon. rapt. & tit. ff. ad L. Jul. de vi priv.* Dixi igitur fraudem requiri, ut quis furti teneatur. Ergò illi, qui non sunt doli capaces, furti non tenentur, ut furiosus. *arg. l. 13. de offic. præs. l. 124. §. 1. de R. j.* Et infans. *l. infans. 122. ff. ad L. Cornel. de sicar. l. 53. in pr. ff. h. t.* quia nesciunt quid agant, carent sensu, *l. 32. §. 2. de acquir. vel omit. poss. & affectu. l. 26. C. de donat.* Impubes etiam non aliter tenetur, quam si sit puberati proximus & doli capax. *§. 18. j. b. t. l. 23. eod. l. 111. de R. j. & l. 1. C. de fals. Monet.* Nec minuit dolum, quod contractans nescivit, cujus sit, *l. 43. §. 4. b. t.* quod enim ad se non pertinet, ad alium pertinere scire debet. *l. fin. C. unde vi;*

(d) Deniq; ut furtum committatur, requiritur, ut res contractetur lucrificandi gratia *l. 1. §. fin. l. 22. h. t. & §. 1. l. eod.* Qui enim alio animo & alio sibi proposito sine quid sumit vel fraudem committit, furtum non facit. *l. 27. l. 39. h. t. D. Lindemann. Exercit. Justin. disp. 8. thes. 7.* Voluntas enim maleficia distinguit. *l. 53. ff. h. t. Herm. Vult. Jurisp. Rom. lib. 1. cap. 45.* neq; tam factum quam finis spectatur. *d. l. 39. in pr.* neq; quis lucrificat tantum principaliter & directò respectu rei contenta. *l. 27. ff. h. t.* verum etiam per
con-

consequentiam respectu continentis. l. 77. *cod. Bacchov.* §. 1. n. 3. f. b. r. Deinde etiam his verbis (lucrificandi gratia) distinguitur. Furcum à Plagio, quod quasi furtum est, quia furtum sic lucricausa; Plagium verò vel libidinis vel ostentationis causa. l. 43. §. qui alien. l. 65. l. 82. §. 2. b. r. 2. à crimine arborum furtum caesarum, quod sine lucro, expetulantia vel injuria fieri potest. l. 7. §. 1. ff. arb. furt. caesar.

(e) Ut si Commodatarius re commodatâ diutius utatur, quam convenierit. Et hoc procedit in dolosa retentione; secus si commodatarius ex necessitate aliquâ re diutius sive longiori tempore, quam conventum fuerat, utatur, cum delictum absque dolo non committatur. §. placuit 7. 7. *cod.* Item si depositarius re deposita, vel creditor pignore. l. 40. l. 54. ff. b. r. aut si sartor aut fullo vestibus utatur, furtum earum in usu facit. l. 82. ff. b. r. §. 6. *Inst. cod. Wesenb. in n. 5. Mynsing. §. 1. n. 7. Schneidm. in princ. n. 4. hic.* Quod etiam satis innuit *novissima Constitutio crim. Caroli V. art. 179.* Welcher mit eines andern Gütern / die ihm in guten Glauben zubehalten und zuverwahren gegeben sind / muthwilliger vnd gefährlicher Weise dem Gläubigern zu Schaden handelt / solche Mißthat ist einem Diebstal gleich zu straffen.

(f) Possessionis sc. solius furtū fit, si debitor rem propriam; quam pignori dedit (hoc enim ipso possessionem ejus absque proprietate & usu transtulit. l. 35. de pign. act. l. 9. C. *cod.* l. 16. de Usucap.) creditori subripiat. §. 10. f. b. r. l. 19 §. pen. & ult. & l. 87. ff. *cod.* Atque ita solius possessionis furtum fieri dicitur, etiam si aliâ semper cum furtum fit, possessio simul intervertatur.

(g) Appellatione legis naturalis intelligitur Jus Gentium; quia hoc jure dominia distincta fuere. l. 5. ff. de J. & J. & §. 11. J. de R. D. Neque nostræ sententiæ obstat, quod Aegyptii & Lacedæmonii furta permiserint; hæc enim perverfas Ethnicorum mentes & mores non approbamus, cum non quid Romæ fiat, sed quid fieri debeat, inspicendum sit. l. 12. de offic. Præsid. neque mala facienda, ut eveniant bona. *Vultejus ad §. 1. n. 3. hic.* Quemadmodum Mel propterea amarū non est, quod huic vel illi homini agroto tale videatur. Ita ex eo, quod hæc vel illa gens furta permiserit, approbanda illa simpliciter non sunt, sed sunt, manentque

netq; fugienda & vitanda. Magis igitur cum *Patio Comment. Institut. §. 1.* hic dicendum est, istos prædictos populos, dum furta permisissent, non Jus Gentium abolevisse, sed contra illud peccasse. *Vultejus §. eod. b. t. n. 3.*

Circa hanc Definitionem lubet etiam movere has seqq. 2. quæstiones 1. An extrema famis necessitate urgente victualia subtrahens à pœna furti, de qua inferius dicemus, sit excusandus. Et Resp. quod sic, *per l. 1. in fin. ff. de bon. cor. qui ante sent.* Cuilibet enim sanguinem suum qualiter qualiter redimere, & contra quemvis hostem, adeoq; etiam famen præsidia struere licet. *l. 3 ibiq; Dd. ff. de j. & j. c. 26. de consecrat. distinct. 5. Wesenb. c. ff. h. e. num. 15. vers. ex benigna interpretatione. P. H. D. artic. 160.* Quid autem, si cum aliis rem, quam solus ferre non potuisset, sustulit? *Treutlerus Disp. 30. Thez. lit. H.* distinguendum esse censet inter totum continuum & disjunctum, *per l. 21. pr. & §. 5. ff. h. t. l. 1. in fin. ad L. Aquil. l. 3. de incend. ruin. naufr.*

2. Quæritur: An creditor debitori rem æquivalentem pro debito clam sive furtivè surripiens, furtum committat? Affirm. *per l. non est singularis 176. de R. j. l. 13. quod metus causa. l. 7. C. unde vi. l. unis. C. ne quis in sua causa judicet.* Nec me, ut huic sententiæ repudium mittam, movere potest *l. 10. §. 16. ff. quæ in fraud. cred. & l. 14. §. 1. ff. h. t.* neq; & illud, quod quidam, creditorem nullum lucrum exinde capere, dicere autumant, cum præter suum nihil accipiat. Sed ad hæc argumenta in disputationis cursu, si in campum prodibunt, ne hæc pagellæ nimis exerceant, pro viribus respondebo.

Th. IV.

Furtum autem est vel manifestum, (a) vel nec manifestum. (b)

(a) Manifestum furtum est, cum fur vel *ἄρτοφάγος* i. e. in ipso facto seu furto, (actu furandi,) vel in loco furti etiam post factum, vel extra locum furti, sed tamen cum re furtiva à Domino vel quovis alio ante visus, & eo nomine inclamatus fuerit. Quod & *Servius apud Virgil. in Eclog. 3.* notat ad illud verbum: Nonne ego te vidi? Et hoc ita demum obtinet, si is, qui

qui videtur, non se absconderit. l. 7 §. 1. h. t. Cujacius igitur recte requirit clamorem ejus, qui furem videt. lib. 11. obs. c. 38. Vult ejus in d. §. 1. f. b. t. f. 7. Treutl. vol. 2. disp. 30. Thes. 1. l. G. Et in d. Ecloga additur:

Et cum clamarem, quo nunc se proripit ille! Aut si deprehensus fuerit, antequam eo loci rem pertulerit, quo perferre ac eo die cum reverti vā manere destinaverat. §. 3. f. b. t. & l. 3. & 4. ll. seqq. l. 34. & l. seq. ff. b. t. Nihil autem refert, an deprehendatur à Domino, an ab Extraneo. l. 7. §. 3. l. 3 §. 1. b. t. Nec refert, si in loco delicti si in alio. d. l. 3. §. 2. si in publico si in privato. l. 5. ff. b. d. Furtum igitur Manifestum dicitur non ex intentione furis, sed apprehendentis. d. l. 7. §. 1. ff. b. t.

(b) Quid autem Furtum nec manifestum sit, ex supra dictis satis constat: quod enim manifestum non est, id nec manifestum est, d. §. 3. f. b. t. & l. 8. ff. eod. Contrariorum enim eadem est ratio ac disciplina. Arist. lib. 1. Top. c. 17. pr. f. de hi qui sui vel al. & pr. f. de Tutelis. Itaq; tunc esse intelligitur, cum fur non videtur seu non deprehenditur cum re furtiva, priusquam in locum destinatum detulerit. d. l. 8. Bachovius Comment. Instit. ad §. 3. in fin. & Borcholt. ibid. b. t. n. 2. Quæ divisio in furtum manifestum & nec manifestum expressis verbis probatur Constit. seu Ordinat. crimin. Caroli V. art. 157. in pr. ib. Ehe er damit in seine Gewahrsam kömpt / nicht beschreyen / berüchtiget / oder betreten werde / junct. art. seq. in pr. ibi: Ehe er an sein Gewahrsam kömpt / betreten wird / oder ein Geschrey oder Nachtheil machet & c. ubi manifestè distinguitur öffentlicher vnd heimlicher Diebstal.

Th. V.

Deinde furtum aliud est Nocturnum, aut Diurnum, (a) Domesticum aut non domesticum, (b) simplex aut compositum, (c) publicum aut privatum. (d)

(a) Furtum nocturnum est, quod noctu, Diurnum, quod interdiu committitur. l. 4. ff. ad L. Aquil. l. 16. §. 5. ff. de pan. Fur nocturnus deprehensus occidi potest, si aliter ei sine vitæ periculo parcere non possumus. l. 9. ff. ad L. Cornel. de sicar. quia nescimus,

an:

an furandi vel occidendi animo veniat, si autem quis, cum posset apprehendere furem, maluit occidere, Lege Cornelia tenetur. l. 5. ad L. Aquil. impr. Diurnus autem ita potest occidi, si se telo defendat. Teli autem appellatione l. 5. §. 2. h. t. & ferrum, fustis, lapis, & deniq; omne id, quod nocendi causa habetur, significatur.

(b) Illud est, quod à domesticis personis, nimirum uxore, liberis, vel Mercenariis committitur. l. 52. §. 1. §. 2. h. t. ideoque hodiè puniuntur ut alii fures. *Constit. Elect. Aug. 38. part. 4. in verbis: die Hantgenessen vnd Hantgesurde* & c. Hoc verò à personis extraneis committitur, de quibus infra quædam dicemus.

(c) Illud dicitur, quando furtum simpliciter & sine ullâ violentiâ & effractione ædium vel tabernarum, ohne Einbrechung factum est. l. 1. & 2. ff. de Effractionibus. Carol. V. *constitut. crimin. art. 159.* Hoc autem, si alia delicta vel supra dictæ circumstantiæ concurrant, quod Dd. etiam vocant furtum improbum seu qualificatum.

(d) Furtum deniq; aliud dicitur publicum, de quo agitur in §. 9. 3. de *Judic. public.* & in tit. ff. ad L. *Juliam peculatus.* Aliud privatum, de quo hic & in tit. 1. 3. de *oblig. que ex delict.* & in ff. & de *furtis.*

Th. VI.

Hactenus dictum fuit de Definitione & Divisione, objecto (seu materia circa quam, cujus sc. rei furtum fieri possit.) Nunc de subiecto esset dicendum: sed quia de hoc ex inferius dicendis satis constat, nolo hic actum agere, sed rectè transeo ad effectus, siue actiones furti, quarum multas Juris nostri Sacerdotes, odio furum, introduxerunt. §. 14. 3. de *Actionib.* ut, Actionem ad exhibendum, Rei vindicationem, Conditionem furtivam, & actionem furti. l. 7. §. 1. ff. de *condict. furt.* §. 14. & 18. 3. de *Actionib.* §. fin. 3. h. t.

Th. VII.

Fures igitur tenentur Actione ad Exhibendum, (a) Rei vindicatione, conditione furtiva, (b) & deniq; actione furti. (c)

(a) *d. l. 7. §. 1. ff. de cond. furtiv.* (b) Hæc dux actiones, nimirum Rei Vindicatio & Condictio furtiva, sunt actiones rei persecutoria, quarum illa adversus possessorem, siue fur ipse possidet, siue alius quilibet; hæc autem adversus ipsum furem ejusve heredem, licet non possideat, competit. *§. fin. j. h. t.* Rei enim vindicatio est actio in rem; Condictio autem in personam. *Pacius in Analys. Instit. §. f. h. t.* Licet autem hæc sit actio in personam, minime tamen potest dici pœnalis, sed est & manet rei persecutoria actio: Nam si condictio furtiva esset pœnalis, non competeret adversus heredem, quod est contra *l. 7. §. 2. & 9. ff. de Cond. furt.* & deinde etiam, si hoc esset, cōcurreret cumulativè cum rei vindicatione, quod est contra inferius dicenda. Quod autem condictio furtiva adversus heredem transeat, valde ob stare videtur *l. 4. §. 5. cum 3. ff. de alien. jud. mut. causa.* ubi dicitur: quod actio ex delicto etiam rei persecutoria, adversus heredem non transeat: sed quid respondendum sit, conflictus ipse docebit. *Uid. Harpprecht. ad d. §. fin. n. 11.* Per has autem actiones rem extrinsecus h. e. extra vel præter istud duplum vel quadruplum consequimur, licet duplum vel quadruplum actione furti jam consecuti fuimus. *l. 7. §. 1. ff. eod. l. 54 §. 3. ff. h. t.* Hoc quidem verum est, quod hæc dux actiones Rei persecutoria se invicem tollant. *d. l. 7. §. 1. ff. de Cond. furt. l. 54 §. 3. ff. h. t. l. unic. C. quand. civ. actio crim. & c.* quia ad unum eundemq; effectum tendunt: bis autem idem exigi bona fides non patitur. *l. 57. ff. de R. J. c. bona fides 83. de R. J. in 6to.* Deinde etiam hæc Condictio adversus heredem competit, etiam si nihil ad eum pervenerit. *l. 7. §. 2. l. 9. ff. de Cond. furt. l. 2. §. f. ff. vi. bon. rapt.* Imò etiam si lis cum defuncto non fuerit contestata. *l. 2. l. 7. §. 2. ibi: rei persecutionem. ff. de Cond. furt.* quod specialiter furum odio esse introductum restatur *Wesemb. n. 7. de Condit. furt. Philip. Matthai ad l. 38. de R. J. n. 22.* Sed ob stare videtur, quod nemo possit condicere rem suam sibi dari. Id enim dari alicui dicitur, quod ira datur, ut ejus fiat; res autem semel mea amplius mea fieri non potest. *§. 14. j. de Action.* Ad hanc objectionem responderetur in *d. §. 14.* quod pertinet *l. fin. in fin. ff. de Usufr. amitt.* quæ dicit, prodictum esse, neminem rem suam nisi à fure condicere posse: Rationem autem, cur etiam Condictio furti-

va adversus furem heredemve ejus competat, ultra rei vindicationem, puto hanc esse, quia facile potest contingere, ut res furtiva pereat, & ita Rei vindicatio intendi non possit, condictione tunc nihilominus locum habente. *l. 7. §. ff. de Cond. furti.* Deinde multò utilius esse puto, condictione hac agere: Nam qui rei vindicationem instituit, dominium simul probare tenetur. *l. 14. ff. de probat. l. 2. C. cod. l. 9. l. f. C. de R. V.* quæ probatio dominii admodum difficilis est. *l. 4. l. 12. l. 23. C. de probat.* In hac autem condictione rem sibi subreptam solum probare sufficit. *l. 1. ff. de cond. furti. Wesenb. π. ff. n. 4. b. t.*

(c) Actio furti est actio pœnalis, qua actor à iudice petit reū mulctari & pecuniam sibi adjudicari. Maxime autè distinguendum est inter furtum Manif. & nec Manif. Furem manifestus in quadruplum. Nec manifestus in duplum tenetur. *§. 5. J. b. t. §. 18. 23. & 25. J. de Act. §. 4. J. de Noxal. Act. & l. 13. §. 7. ff. de bi, qui not. infam.* Graviora enim judicantur delicta, quæ apertè sunt, quàm quæ secretò. *per l. 2. §. si in re depof. 24. ff. vi donor. rapt.* quod ipsum tamen duplum aut quadruplum ad æstimationem interesse ejus, qui actionem furti habet, non computeur, textus est expressus *in l. 50. ff. de furti. 2.* In hoc quadruplo aut duplo non inest Rei persecutio. *§. fin. J. b. t. in pr. J. vi bon. rapt. §. 18. de Act. l. 48. pr. b. t.* Furti enim actio in specie sic dicta est merè pœnalis, & ad rei persecutionem aliæ actiones à Jctis, (ut supra dictum) suppeditantur. Neq; tamen rei persecutoria tollunt pœnalem, nec contra, sed hæ actiones sc. actio merè pœnalis (actio furti in specie sic dicta) & rei persecutoria (sive ea sit rei vindicatio, sive condictio furtiva) cumulativè concurrunt. *l. 45. ff. pro socio.*

Th. II X.

Expositis hisce subjiendum, quibus furti actio competat vel non, (a) contra quos ista datur, (b) & deniq; contra quos non datur. (c).

(a) Actio autem furti ei datur, cujus interest, rem non esse subreptam. *§. 13. J. b. t. l. 10. l. 14. §. 14. & 16. l. 15. §. 2. ff. b. t.* quamvis dominus non sit, si modò tempore subreptionis rem possederit. *l. 49. ff. cod. voluntate domini. l. 85. b. t.* seu bonà fide. *l. 12. §.*

v. b. t. Nemo enim de improbitate sua consequitur actionem, *d. l. 12.* nec domino aliter datur, quam si ejus interfit, rem non perire. *d. § 13. j. b. t.* Non igitur cuiq; competit hæc actio, sed ei saltem, cujus interest (1) ex honesta causa. *l. 11. & l. 12. b. t.* (2) qui damnum passurus, non qui lucrifactorus est. *l. 71. §. 1. b. t.* (3) si non aliundè; illi enim, cujus per consequentiam interest, non datur, ut in casu *l. 49. & l. 14. § 10. ff. b. t.* sed ratione rei, ut si vel ejus dominium habeat. *l. 47. h. t.* vel ejus custodiam præstare cogatur, vel aliàs ob eam rem teneatur, quod ea res culpa sua perierit. *d. l. 14. § 10. & ita ratione vel proprietatis, vel possessionis, vel pignoris, vel usus intercepti.* Nec enim solum domini, sed etiam aliorum interest, ut I. Creditoris, etiam si idoneum habeat debitorem. *§. 14. j. b. t.* Expedit enim ei, potius pignori incumbere quam in personam agere. *d. §. 14. & l. plus cautionu ff. de R. J.* puta autem ad duplum aut quadruplum non debiri, sed pignoris. *l. 15. pr. & l. 87. ff. b. t.* si autè ipse dominus (intellige debitorem) furtum in pignore commiserit. *d. § 14. vers. adeo quidem & l. 12. §. f. h. t.* tunc actio furti non in duplum & quadruplum pignoris, sed pecuniæ debite & ejus usurarum competit. *d. l. 87. b. t.* Priore igitur casu, quod creditor ultra debitum consequitur, debitoris, posteriori creditoris lucro cedit. *l. 22. pr. ff. de pign. act. d. l. 15. pr. b. t.* II. Conductoris: Hujus enim ratione custodiæ etiam interest, ideoq; furti actio ei competit, si in totum fuerit solvendo: Nam hoc casu domini nihil interest, cum judicio locati jus suum consequi possit. *§ 15. j. b. t. & l. 12. pr. & l. 90. b. t.* Si autem non fuerit solvendo, (intellige in totum; nemo enim solvendo intelligitur, nisi qui solidum potest solvere. *l. 114. de V. S.*) tunc ad ipsum dominum redit actio, quia hoc casu ipsius interest, rem esse salvam. Inanis enim est actio, quam rei inopia excludit. *l. 6 ff. de dolo male.* Quod autem conductor hæc actione furti a fure consecutus est, non tenetur restituere locatori. *l. 6 ff. locati,* sive fuerit conductor usus, sive faciendi. *arg. l. f. §. 3. vers. ubi enim. C. b. t. junct. l. 12. pr. π. d. t.* Sed hæc de extraneo fure: si autem ipse locator subtraxerit rem, sive artifex in ea aliquid fecerit sive non, puto istum habere actionem furti in duplum vel quadruplum mercedis. *arg. l. 87. b. t.* III. B. F. Emptoris seu Possessoris *d. §. 15.*

quia ejus interest rem esse salvam, ut eam usucapere, & fructus ex ea percipere possit. *Patius Comment. Inst. d. §. b. t.* Competit autem hæc actio B. F. Emptori subreptâ sc. re, quam emerit, atq; etiam acceperit: Nam si à venditore tradita ista res ei non sit, furti actionem non habet, sed venditori illa competit. *l. 14. ff. h. t.* intellige autem ex Emptionis aut alia non lucrativa causa *d. l. 71. §. 1. h. t.* Et hic non distinguendum est; an venditor sit solvendo, si-ve non, sed semper hæc actio B. F. Emptori competit. *§. 15. vers. 2. ibi omnino competit. §. h. t.* atq; sic eadem de B. F. Emptore, quæ de Creditore dici possunt. IV. Commodatarii: Sed hic distinguendum est inter jus vetus & novum. Illo enim jure Commodatarius instar conductoris actionem furti habet, hæc nim. conditione, si solvendo sit. *§. 16. pr. §. h. t.* Sed jure novo posthabita illa subtili juris ratione in *§. 13. vers. itaq; nec domino. & d. §. 15. relata*, in domini voluntate est, vel commodati actionem adversus commodatarium movere, vel furti adversus ipsum furem, & alterutrâ earum electâ dominum non posse ex pœnitentiâ ad alteram venire actionem, patet ex *l. f. C. b. t. & d. §. 16. §. h. t.* Unde & in foro Saxonico Scabini secundum Jus civile ita pronunciare solent. *Carpz. p. 2. consil. 26. desin. 5.* Essent hic etiam subji-cendæ exceptiones & limitationes quædam, sed de his videatur *d. l. f. C. b. t. & d. §. 16. vers. 2. ibi: ita tamen, si dominus sciens, & ibi: nisi domino ab eo, & prope finem ibi: cum manifestissimum sit §. b. t.* Quod autem Commodatarius adversus furem agens hac actione consequitur, non tenetur restituere. Ubi enim periculum, ibi etiam lucrum esse debet. *l. 10. ff. de R. J. & qui sentit onus, sentiat etiam commodum, & è contra: s. qui sentit s. de R. J. in 6.* ne sit damno tantum deditus, qui rem commodatam accepit, sed liceat ei etiam sperare lucrum. *l. f. §. 3. vers. ubi enim. C. b. t.* Quid autem juris sit, si commodator seu dominus ipse rem commodatam subripiat, vide in *d. l. 15. §. 2. b. t.* V. Depositarii. Hic autem præmittendum est, quod depositarius saltem de dolo & lata culpa teneatur. Si igitur dolo ipsius furtum commissum sit, actionem furti non habet. *l. 14. §. 3. & d. l. 12. §. 1. h. t.* sin autem lata culpa, tunc puto istum actionem furti habere per *l. 2. §. 23. ff. de bon. r. raptorum*, nisi dominus deponens eum prævenierit. *arg. §. 16.*

J. b. t. ideoq; si res ei citra dolum ejus aut latam culpam subrepta fuerit, furti agere non potest, sed domino actio competit, quia non teneatur præstare culpam levem & levisimam. *S. pen. J. quibus mod. re contr. obl. Magnificus atq; famigeratissimus J. Crus, Dn. Zacharias Prüsschen/ & Hudenhoven/ Aula Isaac. Sax. Consiliarius intimus, Director spectatissimus, Patronus utq; Promotor summæ honoris & observantiæ cultu usquequeq; prosequendus, in Coll. suo Inst. disp. 8. tb. 8.* Et hoc procedit, etiam si ex pacto aut aliter præstare teneatur culpam levem. *l. 2. § 24 ff. vi bon. rapt.* Neq; obstat *l. 14. § 16. b. t.* ubi Ulpianus ait, omnibus, quorum periculo res alienæ sunt, si hæc subreptæ sint, furti actiones competere. Respondetur enim, quod istæ actiones tum demum locum habeant, si alicujus intersit ex natura contractus, & nō ex pacto, ut hic *in d. l. 2.* Et in summa, si plurium intersit rem non furripit, pluribus etiam hæc actio datur, ut proprietario & fructuario. *l. 46. §. 1. & 2. tam domino, quam etiam colono. l. 82. §. 2. b. t. Herman. Vultej. Jurisp. Rom. lib. 1. cap. 45. f. 248.* sæpius enim quis ex eodem delicto pluribus obligatur. *S. patitur autem 2. J. de injur. & l. 2. C. eod.* Ubi autem planè alicujus nihil interest, ibi etiam cessat furti actio. *Nobilissimus Dn. Praeses, Præceptor atq; Patronus summa observantia colend. p. 2. Decis. 96. n. 20. f. 619.* Hic ultimò notandum est, quod non tantum his, quos supra numeravi, furti actio competat sed etiam eorum heredibus. *l. 47. b. t. §. 1. J. de perpet. & temp. Act.*

(b) Furti actio datur I. non solum adversus eum, qui rem alienam contrahat & furripit, sed etiam contra eum, qui opem & consilium auferenti dolo malo præstat, licet ipse furtum non faciat. *§. 11. J. b. t. Gordius ad l. 53. ff. de V. S. n. 12. Willenberger d. disp. 15. tb. 4. lit. C. uti qui panno rubro fugavit armentum. Ovidius lib. 12. Metam.*

*Haud secus exarsit, quàm circo taurus aperto.
Cum sua terribilis petit irritamina cornu,
Phœniceas vestes.*

Ideoq; ambo furti tenentur in solidum, adeò ut alter solvendo alterum non liberet, sed quisq; pœnam sui delicti solvat.

inter eos sit differentia, quia adveſtus illos tam maniſeſti, quam
nec maniſeſti, contra hos autem (ſc. qui opem & conſilium præ-
ſtant. l. 34. l. 36. & 50. §. 1. b. t.) nec maniſeſti tantum actio datur,
per l. 34. cod. (excepto caſu in l. 35. b. t.) Quamvis quidem is, cujus
ope & conſilio furtum admittitur, principaliter fortè non præſti-
terit conſilium, ſcientia tamen ejus pro conſilio eſt. §. 11. verſpen.
in f. ibi: commodaverit ſciens. J. de obl. qua ex del. l. 53. in fin. verſ. &
ſanè poſt. de V. S. Bern. Schotanus Exam. Jurid. b. t. fol. 890. Qui au-
tem nullam opem ad furtum faciendum adhibet, ſed
tantum conſilium dat, (intellige autem ſpeciale, Barb. Com-
ment. l. 178. §. 11. in fin. b. t.) tunc furti tenebitur, quando eſt ſecu-
rum. l. 52. §. 19. ff. h. t. l. 53. §. 1. de V. S. Philipp. Matibai in l. 47. de R. J.
alias teneretur de dolo l. 37. ff. de dol. mal. & l. 47. de R. J. hoc n. mo-
do impulſiſſe furem, & ita opem ſimul, (licet minus principaliter
l. 54. §. 4. cod.) intuliſſe videtur. l. 36. pr. b. t. Non ſolum autem
opem fert, qui adjutorium ad res ſubripiendas præbet, d. l. 50. §. 3.
Vultej. Jur. ſp. Rom. lib. 1. c. 45. Borcholt ad §. 11. J. b. t. n. 2. ſed etiam,
qui ſciens de re furtiva participat, vel illam ſuſcipit ſive totam,
ſive ejus partem l. 14. C. h. t. §. 4. J. cod. l. 48. §. 1. b. t. Unde illud,
Der Häler iſt ſo gut/ als der Steler. Paria enim ſunt facere
ſcelus, & probare ſcelus. arg. l. 1. ff. de Receptoribus. II. Hæc actio
datur tam adverſus eum, qui ſui, quam qui alieni eſt juris; cum
illo quidem eſt furti actio: Si autem hic (ſc. qui alieni Juris)
furtum committat, cum eo eſt furti actio, cujus poteſtati ſub-
jectus eſt. l. 41. §. 2. b. t. III. Non ſolum contra extraneum, ſed
etiam debitorem, qui rem creditori oppignoratam vendidit,
vel ſubripuit, hæc actio datur. l. 12. §. 2. l. 19. §. 6. l. 66. pr. b. t. Item de-
bitori contra creditorem, qui re pignori ſibi pro credito obli-
gata uritur, vel ſoluto debito illam non reſtituit. l. 52. §. 7. & l. 54.
p. b. t. IV. Item adverſus ſcienter exigentem tributa præter de-
bitum; revera enim ibi fit furtum l. 2. C. b. t. aliter ſe res habet, ſi
ignoranter hoc fecerit. V. adverſus Locatorem, ſi is iſtam rem
ſubtraxerit, arg. l. 27. h. t. ut & extraneum furem Conductori
hæc actio datur. §. 11. J. b. t. de quibus ſupra quædam dicta fuerunt.
Hæc autem ita obtinent, ſive quis ſolus, ſive cum aliis furtum
commiſerit: Nam ſi ſolus, ſolus: ſi cum aliis, ſinguli in ſolidum re-
non-

nentur, in tantum, ut, etiam si unus solidum solverit, alii non
liberentur, quo minus in solidum conveniri possint. *l. 1. C. de
cond. furt. l. 21. §. 6. b. t. l. 6. arb. furt. cas.* Jure Saxonico autem hoc
in casu distinguitur inter furtum magnum (nim. si cujuslibet
portio ultra quinque solidos sit,) & inter modicum. Et hoc exten-
ditur, licet furtum magnum fuerit, ad unum tamen modicum
ex re furtiva pervenerit; priori casu omnes suspenduntur; pos-
teriori autem quilibet furum cum fustigatione in perpetuum rele-
gatur. *Consult. Constit. Saxon. tom. 2. p. 4. q. 27. n. 5. in pr.* tot enim
sunt delicta, quor delinquentium personar. *l. 15 §. 2. quod vi aut clam
l. 34. pr. ff. de injur.* Extra Electoratum verò in aliis provinciis Sa-
xonice suspendii pœna dicitur, quando quis 20. thaleros fura-
tus est: Fustigationis verò vel relegationis, si quis minus ab-
stulit.

(c) Sequitur nunc, contra quos actio ista non detur, qui
tamen revera furtum commiserunt, ut (1.) inter patrem &
filium, Dominum ac servum, licet enim inter eos furtum conti-
mittatur, furci tamen actio non nascitur. *§. 12. J. b. t. l. 17. pr. l. 36.
§. 1. & l. 52. §. 4. b. t.* quia ipsi parentes atq; Domini in suos liberos
ac servos statuere & exequi possunt. *l. 17. pr. ff. eod.* quod maxi-
mè Jure veteri obtinuit. Regulariter enim inter patrem & fi-
lium, inter Dominum & servum lis nulla esse potest. *l. 4. ff. de
judic. & actio famosa, uti hæc est, inter patrem & filium non da-
tur. l. 11. ff. de delictis. l. 10. §. 12 de in jus voc. junct. l. 1. qui not. infam.*
Sed nostræ assertioni videtur resistere *l. 52. §. 6. b. t.* ubi dicitur,
quod pater familias filio furtum faciens teneatur furci. Sed R.
legem istam loqui de filio peculium castrense habente, propter
quod filius fam. pro patre fam. habetur, & sic in bonis castrensi-
bus pater filio tenetur, sine venia tamen Prætoris in jus vocari
non debet, *per l. 10. §. 12. de in jus voc.* & hoc modo, si filius patri

L. f. §. 4. C. b. t. l. 2. C. rer. amotarum, sed in factum actione tenentur. *d. l. 2. C. eod.* divortio autem facto, rerum amotarum. *d. l. 2. (3.)* Adversus impuberem actio furti non datur, quia nec furtum facere intelligitur, nisi sit pubertati proximus. §. 18. *J. b. t. & l. 23. R. t. l. 4. §. 26. ff. de doli mal. & met. except.* vel capax sit doli, quia furtum non fit sine dolo & affectu furandi, quo impubes, infans, & infantia proximus caret. §. 7. *J. eod. l. 41. ir. f. ad L. Aquil. l. 50. h. t. (4.)* Deniq; adversus heredem furti actio non competit. Est enim merè pœnalis. *l. 7. §. 1. de cond. furt. §. 18. J. de Actiō. §. f. J. b. t. l. iiii. §. 1. d. R. J. §. 1. J. de perpet. & temp. act. l. 20. ff. de pen.* quod iure etiam Saxonico cautū est *Landr. lib. 2. art. 17. in pr. ibi: Der Sohn antwoeret vor den Vater nicht / wenn er stirbet / was er Vureches hat gethan / gloss. ordin. Landt. lib. 31. art. 31. super verba. Stirbt aber der.* Delicta n. debent tenere suos autores. *l. 1. §. f. de privat. del. & l. 22. C. de pen.* & pœna constituitur in emendationem hominum, quæ mortuo eo, in quem constituitur, desinit. *d. l. 23. de pen.* Secus est si à defuncto principalis fuerit contestata. *l. 26. l. 33. l. 58. ff. de obi. & qd. l. f. §. 1. de fidej. & mand. & §. 1. J. de perpet. & temp. act.* hoc enim casu in solidum, quamvis ad eos nihil pervenerit, in heredes actiones transeunt. *l. unic. C. ex delict. def. in quant. & c.* pœnalia enim iudicia semel accepta in heredes transmitti possunt. *l. 164. de R. J.* Istæq; actiones, quæ morte aut tempore perierunt, semel inclusæ iudicio, salvæ præmanent. *l. 139. d. R. J.* quod idem obtinet de iure Sax. *Landr. lib. 2. art. 17. super verba. vor dem Vater. vers. Also ist es auch im Klagen. 2.* Nisi aliquid ex delicto defuncti ad heredes pervenerit, aut locupletiores facti. Turpia enim lucra heredibus extorqueri debent. *l. 5. pr. ff. de Calumniat. l. 14. ff. de cond. indeb.* Ne alieno scelere ditentur. *d. l. un. C. ex del. def. l. 16. §. ff. quod metus caus.*

Th. IX.

Furti autem actio (in specie sic dicta) est vel civilis (a) vel criminalis (b)

Sicuti enim ex omni maleficio duplex nascitur Judicium, scilicet Civile & criminale. *l. f. de privat. del. & l. f. ff. b. t.* Ita etiam ex furto civiliter & criminaliter agi rectè potest.

(a) De

(a) De civili furti actione dictum fuit in thesi 8. lit. C. quod nimir. furti manifesti detur actio in quadruplum; Nec manifesti in duplum, & ita saltem pœna pecuniaria jure constituta sit.

(b) Jure nostro communi licet pœna furti regulariter sit pecuniaria. §. 5. *J de ebl. qua ex del. nasc.* §. 18. & 27. de *Atk.* l. 13. §. 7. de *hu.* qui not. infam. tamen aliquando etiam pro arbitrio Judicis pœna extraordinaria & corporalis irrogari potuit, ut in l. *pen. ff. de cond. iust. Et.* l. 56. §. 1. ibi: *sed amplius, & l. f. ibi: etiam extraordinaria. ff. n. 1.* Pœna autem mortis aut membri abscissi *Novell. 134. c. fin. vers. pro furto, & auth. sed novo. C. de serv. fugit.* est prohibita, & in eius locum castigatio admissa: Licet autem 2 *F. 27.* dicatur, quod is laqueo suspendatur, qui 5. solidos vel plus furatus fuerit: si minus, scopis & forcipe excorietur & tondeatur, hunc tamen texum puto cum *Pacio Cômmentario* x. h. 1. & citato *D Lindemannno d. disp. thesi 2.* intelligendum esse de violatore pacis publicæ, subripiente 5. solidos, per l. 3. §. 10. & l. f. ff. de *re militari.* ubi turbator pacis capite punitur, quod insuper etiam satis innuit *Rubrica hujus tit. 27.* Pœna autem furti, quæ hodiè in terris sacri Romano-Germanici imperii frequentatur, est suspendium, quam pœnam laudatissimus & invictissimus Romani Imperii Princeps, Carolus V. in *Constit. crim. art. 157.* constituit, & jus Saxonicum, Landr. l. 2. art. 13. post pr. & art. 39. in pr. ubi dicitur, *Die Diebe sol man hengen.* Quibus etiam accessit Augustus Elector Saxon. in *Novell. constit. 32. part. 4. vers. Wann einer vber filufft.* ibi: *Der selbige wird mit dem Strang gestrafft.* Nec iniusta & iniqua est hæc pœna, in coercendo enim non tam res, quæ violatur, quam qualitas delicti est attendenda, an videlicet & quatenus Rempublicam & salutem communem lædat, ad cujus conservationem omnes leges sunt referendæ. *Wesemb. v. ff. de furtis in fin.*

criminali Caroli V. distinguitur inter furtum primum & valorem s. solidorum non excedens, & inter furtum nec manifestum & manifestum sine effractione. (nam si cum effractione furtum commissum fuerit, tunc extra omnem dubitationem nullo discrimine habito inter furtum parvum vel magnum &c. poena suspendii locum habet. *Const. crim. art. 159.*) Jure Saxonico autem distinguitur inter furtum, quod medietatem s. solidorum excedit aut non, quod exponit *Schulgius in synopsi Instit. b. l. tit. C.* Cum igitur hodie non Jure poena furti sit Suspendium, lubet hic querere: An si fur rupto laqueo vivus in terram decidat, adhuc strangulari debeat? Quod affirmo, quia poenam mortis non persolvit. E. pro absoluto non potest haberi, arg. *L. 7. in fin. ff. de jure patron.* Sententia enim condemnatoria suum debet sortiri effectum. arg. *L. 18. C. de poen. & l. 1. ff. de re judic.* Præterea etiam expressis verbis hoc confirmatur in *Constit. crim. Carol. V. art. 159 Rubr.* zum Galgen / daß er am Galgen mit dem Strang oder Ketten vom Leben zum Tode gebracht werden sol. Verba enim hæc cum effectu intelligi debent, & accidens hoc tenori sententiæ nihil præjudicare potest. *Clarus §. f. q. 89. num. 9. Muscorinus de Jurid. num. 39. Dn. D. Hackelman. disp. Digest. 23. q. 9. lit. D. dummodò de notoria suspensioni malitiâ apertissimè cõstet. Du. D. Ortol. b. Fomen. disp. 26. th. 2. lit. K. in fin. Hoen. disp. 18. ad Inst. l. 1. b. 11.* Alias si fortè singulari facto ad demonstrandam ejus innocentiam delaberetur (puta si saltem propter conjecturas ac præsumptiones fuisset damnatus) longè aliter est procedendum ac statuendum. In criminalibus enim probationes debent esse luce clariores. *l. ult. C. de probat. Magnificus & non nisi cum insigni laude nominandus Dn. Ordinarius, D. Ungerspaur. d. Exercit. Justin. 13. q. 5.*

Th. X.

Furti autem actio tollitur, vel morte furis, (a) vel nudo pacto, (b) vel transactione, (c) vel præscriptione longissimi temporis. (d)

Quicquid enim ab hominibus ligatur, est solubile, & nihil tam firmum, quod non rumpi possit. *Nov. 22 c. 3.*

(a) Tollitur primò Morte furis. *L. 41. §. 2. b. s. non interit*

rei furtivæ, fur enim semper dicitur esse in morâ, *l. 8. §. 1. & l. ff. de Cond. furt.* At morosus rei interitu non liberatur, *l. 23. & l. 32. de verb. obl.*

(b) Item nudo pacto, si ante condemnationem furti pactus est, si post illam, infamia notatur, *l. 7. §. 14. & l. 17. §. 1. de pactis. l. 4. §. f. de bu qui noc. infam.* (intellige autem in furto commisso, non committendo, *l. 27. §. 4. ff. de pact.*)

(c) Transactione quoq; furti actio tollitur, *l. 13. C. b. t. l. 54. in f. & l. 56. §. 4. ff. eod.* quod satis probat *l. 18. C. de Transact.* Nam si in publicis criminibus licet transigere, multo magis in privatis, in quorum accusatione minus læditur Respublica: Præterea etiam quisq; sanguinem suum qualiter qualiter vult redemptum, *l. ff. de bon. cor. qui ante &c.* Hoc autem intelligendum est salvo jure tertii, Magistratusq; officio: Alteri enim per alterum iniqua conditio non debet adferri, *l. 5. ff. de jur. & fact. ign.* neq; privatorum transactionibus id effici, quò minus delinquentes puniantur, ideoq; transigens non à crimine sed ab accusatione tantum sese liberat, *l. 5. §. f. ad L. Jul. de vi pubt.*

(d) Deniq; etiam præscriptione longissimi temporis tollitur hæc actio, i. e. 30. annorum, arg. §. furtivæ. *J. de Usucap. & l. 2. D. de præscr. 30. vel 40. ann.* Si autem hæc actio iur. iudicium deducta cognitionalia acceperit certamina, & postea silentio tradita, non 30. sed 40. annos esse expectandos, *textus est in l. 1. §. 1. C. de annal. Except. &c.* Et post hanc temporis definitionem nulli ulterius facultas movendi patet, etiam si se legis ignorantia excusare teneat, *l. 3. in fin. C. de præscr. 30. vel 40. ann.*

Additamentum. I.

QUæritur: Antabellarius sive nuncius, si pecuniam numeratam ad alium transferendam in suos usus convertat, re-

to, istum, si pecuniam numeratam acceperit, furti minimè teneri, *per elegantem textum in l. 31. ibi: nisi tantundem pecuniæ ff. Locati*, quod enim in h. l. dicitur de depositario, idem obtinet in mandatario sive tabellario: ubi igitur est eadem ratio, ibi idem jus statui debet. *l. 32 ff. ad L. Aquil. & l. à Titio. 103. de V. O.* Censetur enim ista ad numerationem in ipsum translatum esse dominium pecuniæ, & sic furtum tanquam in re propria non committi. Neq; obstat, quod quidam dicere conantur, tabellario ista enumeratione dominium pecuniæ nequaquam acquiri; quia per nudam traditionem dominium non transfertur, sed ita demum si aliqua causa præcesserit, propter quam traditio sequitur. *l. 31. ff. de acquir. rer. dom.* Respondetur enim brevibus, negando, quod hic saltem sit nuda traditio; diximus enim per numerationem in ipsum translatum esse dominium pecuniæ, quæ est illa causa, propter quam traditio deinde sequitur. Quod autem in supra citatis legibus (*d. l. 7. & l. 22.*) dicitur, quod tabellarius etiam hoc in casu teneatur furti, intelligendum est, quando numeratio (quod verbis exprimendum puto) ea mente sit facta, ut nuncius corpora duntaxat respiceret, & eandem individuo pecuniam perferret, quæ distinctio non est nova sed in jure nostro satis expressa. Vid. *l. 43 §. 1. ibi. si hac mente; dederit nummos. ff. h. t. & in l. 38 ff. de Noxal. dñ. & c.*

II.

Quod filius expensas studiorum causâ à parente erogatas in communi bonorum divisione conferre non teneatur, licet parens eos annotaverit, & in librum rationum sive quotidianum, sive peculiarem, retulerit, statuo tum Dn. *Præsides in prælection. public. ad Auth. Habita C. Ne filius pro patre. Vid. Dn. D. Finckelthuf. Observ. 11. num. 19.* qui ita Amplissimam Facultatem Juridicam Lipsiensem pronunciasse die 16. Maji. Anno 1629. refert. *Diss. Dn. D. Carpzovius part. 3. Const. 11. defn. 20. & Hartm. Pistar. lib. 1. q. 19 n. 5. & alii.*

Atq; ita hunc Disputationi Juridicæ in nomine sacrosanctæ Trinitatis Coronidem impono, & jam navicula meâ in portum sub-

subductâ anchoram figo, lectorem benevolum obnixè rogans,
ut, si quid erratum in ea forsitan inveniat, communi hominum
conditioni nō invitus adscribat; omnium enim habere memori-
am (quæ valdè labilis est. l. 44. de acq. poss.) & penitus in nullo pec-
care, divinitatis magis quàm humanitatis est, & memor illius
Martiani in l. 65. §. 3. ff. de legat. 3. Omnes adhuc discere posse, &
omne artificium incrementum recipere.

SIT IGITUR SOLI SAPIENTI DEO
LAUS, HONOR, ET GLORIA, IN
SEMPITERNA SECUŁA.



Humanis. atq; Doctis.

Dn. Respondenti, inquilino &
amico meo pl. dilecto:



Ngenii factum fausto dum prodis in auras
Sidere, mox oneris præmia digna feres.
Scrutari pergas spacioſa volumina juris,
Atq; tuo legum scita fovere sinu!

Ex animo gratulor

PRÆSES.

Remtus at ore isâ tu faciles responsa daturus;

HAthenus assiduo voluisti scire labore
Præclaræ Themidos, cuncta mata docta probant.
Scilicet intrepidè, quæ sit natura maligni
Furci, laudanda dexteritate doces.
Perge viâ cœptâ, Themis hinc tibi præmia solvet
Præmia per multos non moritura dies.

*Hæc Conterraneo suo Oculisimo
adponere voluit*

M. Severus Christophorus Olpius.

Sonnet.

REcht so mein werther Freund! dis sind des Fleißes Gaben/
der ihm so manche Stund' / vnd manchen Tag vñ Nacht
das Haupt/ der Stunen Zeit zur Vnruh' hat gebracht:
Er wold vor seine Müß' auch nun die Ehre haben/
Daß er vor anderen wird stehen hoch erhaben
wo Pallas ihren Sitz/ ja wo Sophia lacht
vnd ihren Widerpart ganz frewdig schweizend macht/
Denn wird er seinen Geist mit frischem Kampffe laben.
Nun wol vñ mehr als wol! Fraw Fama schwingt euch fort/
Bringe solches Erden- weit / für aller Ohren- Pfort'
Vnd sagts der klugen Welt. Mein Freund sich schon bedendet
wie er sein reiches Lob der grawen Ewigkeit
verleibe besser ein/ darmit nach dieser Zeit
Der Ehren höchster Sitz Ihm werde gar gesendet.

Dieses schreibet zu Ehren seinem vortwer-
chem Freunde. vnd gewesenen
H. Tischbursch

Henrich Philipp Breithaupt.

